

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. II. Sacerdotis ad altare duplex processio. De ritu Confessionis ante Missam praemisso Psalmo Judica me Deus. Confessio generalis omnium gentium more probatur. Variae ejus formulae. Sanctorum ...

urn:nbn:de:hbz:466:1-10805

Missam inchoent quidam Latinorum, ut Carthagini, Prædicatores, & veteri ritu Cistercienses ac quidam alii. Statim enim ac pervenerunt ad altare, vinum calici infundunt, & aquam miscent, brevique oratione benedicunt. Plerique autem sanguinis & aquæ, quæ de latere Christi emanarunt, mysterium commemorant: quem ritum in Ecclesiis Gallicanis passim viguisse testatur Sausilius in Panoplia sacerdotali par. 1. lib. 8. c. 20. art. 5. Sed redeo ad Græcos. Observant illi hunc morem, ut facta majoris hostiae oblatione plures deinde particulas sigillatim offerant, quas meridas vocant: quia cum sacrificium plures fines & effectus habeat, iis significandis particulas multiplicant. Et primam quidem hostiam, ut debitum Deo cultum reddant, in memoriam Salvatoris nostri Iesu Christi offerunt. Secundam ad honorem gloriosæ Virginis Mariæ, ut Deus ipsius precibus sacrificium acceptare dignetur, sive ut gratias ei agant pro beneficis ipsi Virginis & nobis per ipsam collatis. Tertia est in honorem sancti Joannis Baptistæ, sanctorum Apostolorum, & aliorum quos nominant. Quarta pro salute viventium, quorum nomina recitant quotquot voluerint, ut eis Deus peccata dimittat, & omnia bona largiatur. Quinta pro defunctis, eorum item nominibus recitat. Quod si Sancti aliquibus solemnia ea die celebrantur, propriam illius venerationi particulam secernunt & offerunt. Possunt etiam pro quocumque voluerint, singillatim offerre. Similiter & reliqui Sacerdotes celebranti assistentes, & Diaconi, si velint, tollunt particulas pro iis quoque nominatim, qui sibi commendati sunt. Nec Diaconi propterea censendi sunt officium sibi non debitum sacrilegè usurpare, ut credit Arcadius lib. 3. de Sacram. c. 13. non enim de hac oblatione loquuntur canones ab eo citati; sed de alia quæ sit in altari & ad solos Sacerdotes pertinet. In hac verò, quæ illi prævia est, & à consecratione longius remota, nihil aliud facit Diaconus, nisi quod particulas scindit, & in disco reponit à Sacerdote postea consecrandas. His peractis thus adoletur, tum ipsis donis, tum velaminibus, & prothesi, ac toti sacrario, & aliquot orationibus, psalmoque quinquagesimo recitatis finis imponitur primæ parti Liturgiæ, quæ est preparatio donorum, & primum offertorium. Porro particulas illas simul cum majori hostia à Sacerdote consecrari certissimum est, quicquid in contrarium afferant quidam Græci recentiores hoc perperam negantes. Primus autem hujus erroris disseminator fuit Si-

meon Thessalonicensis, quem Arcadius egregie confutat lib. cit. à cap. 10. usque ad 18.

CAPUT. II.

Sacerdotis ad altare duplex processio. De ritu Confessionis ante Missam, præmisso psalmo Judica me Deus. Confessio generalis omnium gentium more probatur. Varie ejus formulae. Sanctorum post eam commemoratione cum osculo Altaris.

I. **S**acerdotis ad offerendum sacrificium eundem duplex est processio: una è propriis ædibus ad Ecclesiam, altera in ipsa Ecclesia à Sacraario ad Altare. Et prima quidem, si de Episcopo sermo sit, fieri solebat cum ingenti pompa & apparatu. Crux enim & luminaria praebant, ut Nicephorus lib. 13. cap. 8. & Marcus Diaconus in vita S. Porphyrii Episcopi scribunt. Sequebatur Clericorum, & Presbyterorum ingens comitatus, cuius antiquissimum testimonium habemus in Concilio Laodiceno c. 56. *Quod non oporteat presbyteros ante processionem Episcopi introire sacraarium & sedere, sed cum Episcopo debent ingredi.* Magnum Basilium videt Ephrenus Syrus procedentem in Ecclesiam in die sancto Theophaniæ & circa eum venerandum clerum candidatum & oblequentem ei, ut auctor virte ejus asseverat. Ambrosius gestus indecoros reprehendens lib. 1. de officiis cap. 18. ait se iussisse, ne quidam Clericus unquam pæreter sibi, quia velut quodam insolentis incessus verbere oculos suos feriebat. Hinc procedere aquod Antiquos nihil aliud est, quam in Ecclesiam ad synaxim celebrandam convenire. Augustinus lib. 22. de Civit. Dei cap. 8. *sedebam jam processurus*, nempe in Ecclesiam ad sacrificium offerendum. Leo Magnus epist. 81. ad Dioscorum Alexandrinum, *qui nostris processibus atque ordinationibus frequenter interfuit.* Diurnus Pontificum cap. 45. de dedicando Oraatorio intra Monasterium, *sic tamen ut non illic publica processio teneatur*, id est, publica Missa, quæ, ut alibi observavimus, in Monasteriis verita erat. Altera processio ad altare, sive Episcopus celebret sive Presbyter, antiquo more qui adhuc vigeret, solemniter fieri solet. Utramque sic describit Ordo Romanus.

„ Denuntiata Statione diebus festis primo manu, ne præcedit omnis Clerus Pontificem ad Ecclesiam,

clesiam, excepis qui in obsequio illius comitan-
 tur, qui ordine suo scribuntur, expectantes Pon-
 tificem in Ecclesia. Sed dum venerit Pontifex
 propè Ecclesiam, exentes Acolyti & Defen-
 sores ex regione illa, cuius die ad officium fuerit
 in obsequio, praestolantur eum loco statuto, an-
 tequam veniat ubi descendens est. Porro Defen-
 sores qui fuerint, quando & a quo instituti, deque
 illorum statu, munere, & jurisdictione, latè differit
 Morinus I. de facis ordinationibus parte 3. exer-
 cit. 16.c.6. & duobus sequentibus. „ Similiter &
 Presbyter Tituli vel Ecclesiae ubi statio fuerit,
 una cum Majoribus domus illius civitatis, vel
 patre Diaconiæ, si tamen illa Ecclesia Diaconia
 fuerit, cum subdito sibi Presbytero & mansio-
 nario thymiamateria deferentibus in obsequium
 illius, inclinat capite dum venerit. Acolyti
 quidem cum Defensoribus primùm, deinde Pres-
 byteri cum suis, petita benedictione divisa hinc
 inde partibus, prout militant, procedunt Ponti-
 ficiem usq; ad Ecclesiam. Cum vero Ecclesia in-
 traierit Pontifex, non ascendit continuo ad altare,
 sed prius intrat in Secretarium sustentatus à Dia-
 conibus, qui eum suscepserunt de sellari descen-
 dentem. Ubi cum intraverit sedet in sella sua. Et
 Diaconi salutato Pontifice egrediuntur è secre-
 tario, & ante fores ejusdem mutant vestimenta
 sua. Et parat Evangelium qui lecturus est, refera-
 to figillo ex precepto Archidiaconi super pla-
 netam Acolyti. Pontifex autem per manus Sub-
 diaconorum regionariorum mutans vestimenta
 solemnia, ordinabiliter compositis per Primice-
 riū & Secundicerium vestimentis ejus ut bene-
 fideant, novissimè per diaconum & subdiaconū,
 cui ipse jussit, pallio superinduitur & configi-
 tur per acus in planeta retro, & ante, & in hume-
 ro sinistro. Deinde Subdiaconus regionarius por-
 rigit ei mappulā inclinans se ad genua ipsius. His
 ita compositis invitante ad regiam Secretarii
 prefato Subdiacono scholam, quartus scholæ qui
 semper nuntiat Pontifici de cantoribus, aditans
 ante faciem Pontificis, & nutum ejus ad psallen-
 dum expectans, statim dum innuit ei, egreditur
 ante fores Secretarii & dicit, Accendite. Qui
 dum incenderint, statim Subdiaconus sequens
 tenens thymiamaterium aureum pro foribus
 ponit incensum, ut pergaat ante Pontificem. Et
 ille quartus scholæ ad priorem, vel secun-
 dum, sive tertium inclinato capite dicit, Do-
 mini fabere. Tunc statuuntur duæ aëtes in cho-
 ro per ordinem ab utroque latere, & mox inci-
 pit prior scholæ antiphonam ad introitum. Sub-

diaconi vero de schola levant planetas cura finit,
 ut nimirum expeditiores sint ad ministrandum.
 Quorum voces, cantorum scilicet, Diaconi dum
 audierint, continuo intrant ad Pontificem in
 Secretarium. Tunc Pontifex elevans se dat ma-
 num dexteram duobus Presbyteris, & illi oscu-
 latis manibus ipsius procedunt cum ipso susten-
 tantes eum, praecedentibus ante eos Diaconi-
 bus septem. Tunc ministri cum thymiamaterio
 & thuribulis non amplius ternis procedunt an-
 te ipsum mitentes incensum, & septem Aco-
 lythi portantes septem cereofata foras Eccle-
 siam accensa procedunt ante Pontificem usque
 in chorum. Post thuribula portatur Evange-
 lium proprius Episcopo. Eadem autem proce-
 sio fit ab austro in septemtrionem. Tunc proce-
 dit Pontifex, & ante quam veniat ad scholam,
 dividuntur cereofata quatuor ad dexteram, tria
 ad sinistram. Et pertransit Pontifex in capit
 scholæ, & in gradu superiori inclinato capite ad
 altare primò adorat sancta, & stat semper incli-
 natus usque ad versum prophetalem; nimirum
 usque ad versum Psalmi, qui post introitum can-
 tatur. Hæc Ordo Romanus de processione sum-
 mi Pontificis ad Missam, prout illa ferebant tem-
 pora. Eadem multò fusiū describitur in codem
 libro in tertia Missæ descriptione. Turmas enim
 praecedent Pontificem, corumque ordinem &
 nomina accuratius exprimit. Tum ait equum
 Pontificis praecellisse Acolythum stationarium
 gestantem Chrisma in mappula involuta cum anti-
 pulla; aliosque Acolyhos portantes fusculos, sin-
 donem, aquamanus, calicem, patenam, scyphos,
 pugillates, gemelliones, colatorium, amas, cruces,
 Evangelia, & omnem sacram supellestilem. Sunt
 & alia minutiora, quæ ibidem legi possunt. Ho-
 die summus Pontifex solemniter celebraturus
 hoc ordine procedit. Praecedunt nobiles Laici,
 tum Acolyti, Clerici Cameræ Apostolicæ, Sub-
 diaconi, & unus Acolythus ferens thuribulum,
 & alii septem Acolyti cum septem candelabris.
 Sequitur Subdiaconus, qui epistolam lecturus est,
 ferens crucem, quem ab utroque latere comitan-
 tur duo ostiarii cum virgis. Deinde Pœnitentiarii
 cum planetis, tum Abbates, Episcopi, Archiepi-
 scopi, & Patriarchæ cum mitris: Postea Diaconi,
 Presbyteri, & Episcopi Cardinales: & post eos
 Pontifex sub conopæo, quod octo Principes five
 oratores Regum, aut alii ex nobilioribus portant.
 Assistent Pontificis duo Diaconi Cardinales, eo pre-
 cedente, qui lecturus est Evangelium, postremam
 Pluvialis Pontificii partem sustinente nobiliori
 Laico,

Laico, qui ibi adsit, quacumque fulgeat dignitate. Subsequitur longo ordine familia Pontificia, omnesque Palatini, ac demum Protonotarii & Praelati, qui non sunt induiti vestibus sacris, omnes cum cappis quas vocant, seu specialibus indumentis, quibus in publicis functionibus uti solent.

II. Cæterorum Episcoporum processio erat secundo loco in ipso Ordine Romano, ubi Missa describitur ex Patrum Occidentalium institutione. Ejus modus hic est. Processionem coram Episcopo acturus à custode Ecclesiæ in Sacario ornamenta præbenda sunt, Presbyteris cappæ, Diaconis stolæ & Dalmaticæ, Subdiaconis sibi congruae vespæ & mappulæ in sinistra manu ferendæ, Acolythis candelabra & thuribulum portaturi casulæ. Tertia verò impleta procedunt Diaconi de sacario dividentes se in duas partes, quatuor ad dexteram, tres ad sinistram. Et tunc procedit Episcopus, eoque innuente cantatur Introitus. Post hæc ponit incensum in thuribulo, & osculatur Evangelium: & procedunt Acolyti cum candelabris; primùm unus, deinde duo & duo, & Subdiaconi similiiter, atque post eos Diaconi. Et sic procedit Sacerdos in chorūm ducentibus cum duobus Presbyteris cappis induitis. Hæc summatim ibidem. Nunc autem quomodo fiat hujusmodi processio, Ceremoniale Episcoporum, & alii libri rituales indicant, qui omnium manibus teruntur. Sunt tamen diversarum Ecclesiæ diversæ consuetudines, quas si vellem singillatim describere, nimis in longum hoc caput protracteretur. Unam ex his non omittam, quæ est Ecclesiæ Turonensis, ex libro de processionibus Ecclesiasticis Jacobi Eveillon Canonici Andegavensis cap. 5.

In Ecclesia, inquit, Turonensi magno splendore & apparatu procedit hæc pompa. Agmen dicit Thesaurarius longo intervallo præcedens, & cereum accensum candelabro argenteo præferens, affectante apparitore, qui turbam submoveat. Sequuntur ordine singulatim incedentes, sed longo ab invicem spatio sejuncti, sequentes pueri symphoniaci albis & tunicis vestiti cum singulis candelabris & cereis ardentes. His succedunt sex subdiaconi tunicis quaque, & cætero sui ordinis cultu insignes, quorum unus crucem sublimen effert, tres deinde Sanctorum Reliquias, duo reliqui libros argenteos inauratos Epistolarum & Evangeliorum missaliū gestant. Tum Diaconus & Subdiaconus majores ad præcipuum altaris ministe-

, rium præcincti: post hos qui crucem Archiepiscopalem & pastoralem baculum præferunt. Postremo loco progreditur Archiepiscopus Pontificali ornatu conspicuus cum duobus affilientibus Canonicis, & totidem Clericis seu Capellanis. Pluviale Pontificium ab utraque parte sublevantibus. Hoc ordine procedunt à secretario in navim Ecclesiæ secundum dextrum chori latus, atque inde per medium chorum ad altare: exceptis dumtaxat pueris ceteris, qui cum ad summum chorūm venerint, ibi ad lineam directi consistunt, quatuor à dextera, tres à sinistra parte, & prætereunte Pontifice omnes candelabra sua ordinatim disposita in solo ante aquilam pulpiti collocant, atque inde secedentes duo ad altare pergunt, et liqui scholæ cantorum se adjungunt. Atque hunc procedendi ritum antonomastice Ordinens vocant. Ejusdem processionis mentionem faciunt Amalarius lib. 3. cap. 5. Rupertus Abbas lib. 1. cap. 28. & Gemma animæ lib. 1. cap. 7. qui tamen symbolicas dumtaxat ipsius rationes edisserunt.

III. Sacerdos cum pervenerit ad altare stans in infimo ejus gradu, præmisso psalmo *Judice me Deus*, recitat cum ministris Confessionem, quâ finitâ ascends ad altare dicit orationes *Auffer a nobis*, & *Oramus te Domine*: & si sit Episcopus solemniter celebrans, osculatur Evangelium. Deinde ipsa Ara incensatur, choro interim introitum concinente. In Ordine Romano cum sint quatuor Missæ descriptiones, quæ ferè coincidunt, non nisi in secunda, quæ ex institutione Patrum occidentalium dicitur esse, mentio fit confessionis, nulla tamen ejus formula præscripta. Pontifex, inquit, postquam in meditationem chori perducitur, Presbyteris qui eum ducebant five Diaconibus manus ejus osculantibus, propria quæ repetentibus loca, inclinans se Deum pro peccatis suis deprecatur. Tunc erectus primum duobus Presbyteris, deinde Diaconis omnibus pacis oscula dabit per ordinem. Post hæc ascends ad altare, primò Evangelium, deinde ipsum altare osculatur. Quæ quidem oscula tumministrorum, tum Evangelii, & altaris, in omnibus ferè antiquis Ritualibus sancta sunt. Quod verò Missam generalis confessio antecedat, ritus antiquissimus est, ut mox ostendam, sed diversæ in diversis Ecclesiis ejus formulæ sunt. Præmittitur signum crucis, à quo omnia auspiciari semper Christianis solemne fuit, teste Tertull. qui *L. de cor. mil. c. 3.* inter ea quæ ex traditione sine ullius scripture testimonio usurpantur,

Rrr

hoc

hoc etiam reconsit. Sequitur Psalmus *Judica me Deus*, cum Antiphona *Introibo ad altare Dei*; quem tempore S. Ambrosii dici consuevit alferunt recentiores, qui de Missæ sacrificio scribunt, sed perperam: liber enim de initiandis cap. 8. & liber quartus de Sacramentis cap. 2. quæ duo loco ab illis citantur; nec de sacerdote, nec de Missa loquuntur; sed de recenter baptizatis. *His abluta plebs*, ait Ambrosius loco priori, *divites insignibus ad Christi contendit altaria dicens*: Introibo ad altare Dei, ad Deum qui laetificat juventutem meam. *Depositis enim in veterati erroris exuviis*, renovata in aquilæ juventutem, cœlesti illud festinat adire convivium. Et libro citato de Sacramentis, *Veniebas*, inquit, desiderans ad altare, quo acciperes Sacramentum. *Dicit anima tua*, Introibo ad altare Dei mei, ad Deum qui laetificat juventutem meam. *Depositisti peccatorum senectutem, sumpsisti gratiæ juventutem*. Hoc præstiterunt tibi sacramenta cœlestia, Baptismi videlicet & Confirmationis, de quibus in præcedentibus sermo fuit. Citant quoque in hunc psalmum Augustini commentarium; verum si quis ipsum attente legerit, nihil reperiet de ejus ante synaxim recitatione. In Missa edita ab Illyrico ponitur hic psalmus peracta confessione ab Episcopo recitandus postquam osculum pacis præbuit ministris. In alia veteri Missa codicis Chisii idem psalmus cum Antiphona *Introibo à Sacerdote & ministris alternatim dici ante confessionem statutus est*, ut hodie fit. Micrologus quoque cap. 23. *Paratus*, inquit, *Sacerdos venit ad altare dicens Antiphonam*, Introibo ad altare Dei, & psalmus *Judica me Deus*, post quem sequitur confessio. Alia Missa ex codice Tiliiano apud Menardum, postquam Episcopus induitus est vestibus sacris, ait, osculetur duos Presbyteros & duos diaconos incipiens per se. Introibo ad altare Dei cum psalmo *Judica me Deus*. Ex Missali antiquo Bibliothecæ Vaticanae num. 4772. Sacerdos hunc psalmum recitat cum antiphona, dum pergit ad altare, quòd cum pervenerit, dicit confessionem. Eundem ritum servant Carmelitæ. Missale Romanum à Paulo III. recognitum & Lugduni editum ann. 1550. dici hunc psalmum præcipit à solo sacerdote manifestè vel sub silento antequam accedat ad altare. In aliis vero tam editis quam M. SS. Missalibus multò ante Paulum III. idem mos statuitur, quo nunc utimur: cuius etiam mentionem faciunt Stephanus Brulefer Armoricus, qui vivebat ann. 1480. in declaratione mysteriorum Missæ, &

Guibertus de Tornaco, qui floruit ann. 1266. lib. de officio Episcopi cap. 17. vir denique saecorum rituum peritisimus Paris Crassus in M. SS. ceremoniali summi Pontificis cap. 65. arbitriarum suo tempore fuisse ait hunc psalmum dicere vel omittere. Licet enim ex consuetudine etiam in Missis pro defunctis diceretur, nullamen id lege stabilitum erat. Ex his autem bene perspicuis intelligimus, ante annos ferè octingentes, quò tempore scriptus fuisse videtur Codex Chisii, hunc psalmum cum sua Antiphona ante Missam recitari consueisse, eum tamen ritum nec ubique receptum, & quandoque mutatum, donec Pius V. in postrema Missalis recognitione ab omnibus, qui Romanis ritibus utuntur, eum confessioni præmitti præcepit.

IV. Expleto psalmo, tam Sacerdos, quām ministri confitentur alterutrum peccata sua, ascenentes generalibus verbis se in multis deliquerisse; quod naturæ instinctu fit. Justus enim in primordio sermonis accusator est sui, ut ait Sapiens Prov. 18. secundū versionem septuaginta Interpretum. Hinc sacerdotes & prophetæ veteris testamenti ea verba veluti formulam consuetam depreciationibus suis præmittebant, *Peccavimus, Domine, injustè egimus, iniquitatem fecimus*: & haec generalis confessio omnia illorum sacrificia præcedebat, ut testatur R. Moses Majemonides in lib. Iad tract. de penitentia, & tract. de precebus totius anni. Hinc etiam Jacobus Apostolus Liturgiam suam à peccatorum accusatione exorditur his verbis: *Peccatorum multitudine inquinatum ne me spreveris, Domine Deus noster. Ecce enim accedo ad divinum hoc & superceleste mystrium; & indignus quidem, sed de tua bonitate confisus emito tibi vocem: Deus sis mihi peccatori propitius. Peccavi in cælum & coram te, neque dignus sum quì oculos obvertam huic sacre & spirituali mensæ, in qua unigenitus filius tuus & Dominus noster Jesus Christus mihi qui peccator sum & omnibus maculis labefactatus mystice proponitur in sacrificium*. Sic in ea, quæ Marci Evangelistæ nomen præfert, Sacerdos initio petit à Deo remissiōnem peccatorum & propitiationem omni populo suo. Sic Basilius in prectione, qua sacris operaturus uti solebat, totus est in petenda peccatorum remissione. „Ne respixeris, inquit, me impuris, sumum peccatorem, meâve causa iratus lis polo tuo. Ne memineris Domine turpium fermentorum, quos ex ore meo protuli, ut non exaudias preces meas. Parce pravitati meæ, elue maculas peccatorum meorum, exterge fordes cordis

„cordis mei, emunda mentem meam ab omni puncione delictorum. Simili modo in Ordine oblationis, quem scripsit Severus Patriarcha Alexandrinus, Sacerdos initio petit veniam peccatorum, recitans psalmum quinquagesimum. Et paucis interjectis ait: „peccavi tibi, propitius esto peccatori, suscipe deprecationem meam, & condona mihi delictum meum. Domine dominator omnium miserere mei. Consentient Aethiopes, quorum Sacerdos initio Missæ sic ait: „Tu scis Domine, quod huic mysterio sancto, quod ex te procedit, immundus sum. Non est mihi facies appropinquare, neque os laudem tuam aperiendi, & gratias agendi. Sed solum propter multitudinem miserationum tuarum parce mihi Domine quia peccator sum. Iisdem ferè verbis Basilius Magnus Liturgiam inchoat, quam ex veteri lingua Aegyptiaca & ex Arabica in Latinum transtulit Victorius Scialach Maronita. Domine, inquit, qui nosti corda omnium: sancte qui quiescis in sanctis: qui solus sine peccato es: qui potes dare veniam peccatis. Tu Domine nosti nos non esse dignos, neque esse paratos, sed indignos hoc ministerio tuo sancto. Non mihi est facies ut accedam ad ingrediendum, atq; ut os aperiam coram gloria sancta tua: sed secundum multitudinem clementiae tuæ parce mihi peccatori. Eundem ritum servant Maronites, quorum Sacerdos in principio Liturgiæ recitat ante altare hanc orationem, „Rogo te Deus, ut facias me dignum accedere ad altare tuum mundum sine macula & sordibus, quia servus peccator sum, & commisi peccata & absurdia coram te, neque sum dignus accedere ad altare tuum mundum, neque ad sacramenta tua sancta: sed rogo te, ô pie, ô misericors, ô amator hominum, respice me oculo misericordiae. Et postea dicit totum psalmum *Miserere mei Deus*. Sacerdos quoq; Armenus cum vestibus sacris induitus est, ante altare inclinus dicit confessionem more Latinorum, ut ex eorum Liturgia constat edita Romæ typis Congregationis de Propaganda fide, cui consonat ejusdem synopsis apud Cassandrum cap. 12. Liturgicorum. Idem mos reperitur in aliis Liturgiis orientalium, atque hoc pertinentem Latinorum Apologie, de quibus supra loquutus sum.

V. Confessionem, qua nunc utitur Romana Ecclesia, Pontianum Papam, sive Damasum instituisse ajunt plerique recentiores, quorum assertio sine legitimo teste nullius apud me pondatur est. Non dubito, quin aliqua formula generalis

confessionis antiquissima sit & Apostolicæ traditionis; sed hanc specialem, qua hodie in usu est, Pontiano vel Damaso assignare, tacentibus hac de re priscis scriptoribus, non audeo. Ad eam alludit in suo Pœnitentiali Egbertus Episcopus Eborensis, qui vivebat anno 730. „Dic ei cui confiteri vis peccata tua: mea culpa, quia nimis in cogitationibus, locutione, & opere peccavi. Tunc sequitur benedictio super pœnitentem. Miserearis tui omnipotens Deus, & dimittat tibi omnia peccata tua, liberet te ab omni malo, conseruet te in omni opere bono, & perducat ad vitam æternam. Quæ formula extat in antiquis Missilibus Romanis, & aliarum Ecclesiarum, ex quibus nonnullæ sunt, quæ adhuc ea utuntur. In Missa Illyrici non exprimitur forma confessionis, sed omittitur; sicut & alia, quæ communia erant & omnibus nota. Coram altare, inquit, stans cum proceSSIONE proferens confessionem det indulgentiam missis. Missa vetus Menardi ex codice Ratoldi Abbatis loco confessionis ponit hanc orationem: Suscipe confessionem meam unica spes salutis meæ: quæ extat in Missa Illyrici. Eadem oratio Confessionis vicem supplet in Codice Tiliano, alia addita quæ incipit, Deus propitius esto mihi peccatori. In Codice Chisio confessio his verbis concepta est: „Confiteor Deo omnipotenti & ipsis, quorum scilicet Reliquæ in eo altari sunt, & omnibus Sanctis ejus, & vobis fratribus, quia ego miser peccavi nimis in lege Dei mei, cogitatione, sermone, & opere, pollutione mentis & corporis, & in omnibus malis, quibus humana fragilitas contaminari potest; propteræa precor vos, ut oreis pro me misero peccatore. Sequuntur orationes pro absolutione, ut infra in Appendix. Brevius concipitur apud Micrologum cap. 23. Confiteor Deo omnipotenti, ipsis & omnibus Sanctis, & tibi frater; quia peccavi nimis cogitatione, locutione, opere, & in pollutione mentis & corporis. Ideo precor te, ora pro me. Miserere tui omnipotens Deus, & dimittat tibi omnia peccata tua, liberet te ab omni malo, & confirmet te in omni opere bono, & perducat nos pariter Iesu Christi filius Dei vivi in vitam æternam. Amen. Indulgentiam & remissionem omnium peccatorum nostrorum tribuat nobis omnipotens & misericors Dominus. Amen. In antiquis consuetudinibus Monasterii Cluniacensis l. 2. c. 30. apud virum eruditissimum Lucam Dacherium to. 4. sui Spicilegii statuitur, ne confessio verbis amplioribus quam ipsis dicatur. Confiteor Deo & omnibus Sanctis ejus, & vobis Pater, quia peccavi

peccavi in cogitatione, locutione, & opere: mea culpa, precor vos orare pro me. Harum consuetudinum verustum exemplar vidi in Bibliotheca Vaticana Palatina nu. 564. In Missali Romano M. S. Bibliothecae Barberinæ num. 1861. confessio his verbis exprimitur. Confiteor Deo omnipotenti, & B. Mariae Virginis, & beatis apostolis Petro & Paulo, S. Augustino, S. Hieronymo, & omnibus sanctis, & vobis Pater, me graviter peccasse per superbiam in lege Dei mei, cogitatione, delectatione, omissione, consensu, verbo, & opere, mea culpa, mea maxima culpa. Ideo precor beatissimam gloriam Virginem Mariam, & omnes sanctos & sanctas, & vos Patrem orare pro me.

VI. In Missali Ecclesiae Sarisburiensis in Anglia, edito Parisiis an. 1555. hic ritus inchoandi Missam prescribitur. Cum Sacerdos induit se, incipit, *Veni Creator spiritus*, cum oratione, *Deus cui omne cor patet*. Sequitur psalmus *Judica me Deus*, cum Antiphona, *Introibo*, qua post Psalmum repetita, dicit *Kyrie eleison*, *Pater noster*, *Ave maria*. His dictis accedit ad gradum altaris & ait, *Confitemini Domino quoniam bonus: Quoniam in seculum misericordia ejus. Confiteor Deo, B. Maria, omnibus sanctis, & vobis, quia peccavi nimis cogitatione, locutione, & opere, mea culpa: Precor S. Mariam, omnes sanctos, & Vos orare pro me. Misereatur tui omnipotens Deus, dimittat tibi peccata tua, liberet te ab omni malo, conservet & confirmet in omni opere bono, & perducat te ad vitam aeternam. Absolutionem & remissionem omnium peccatorum vestrorum, spatium vero penitentia, gratiam & consolationem S. Spiritus tribuat vobis omnipotens & misericors Dominus. Adjutorium nostrum in nomine Domini: Sit nomen Domini benedictum.* Deinde osculatur Diaconum & Subdiaconum dicens, *Habete osculum pacis & dilectionis, ut apti sitis sacro sancto altari ad perficiendum officia divina. Missale Hispalense de mandato Alfonsi Manrique Cardin. & Archiepiscopi editum an. 1574. hanc habet confessionem. Confiteor Deo B. Maria, & omnibus sanctis ejus: & vobis fratres manifesto omnia peccata mea, quia peccavi nimis per superbiam cogitatione, locutione, opere & omissione, & in cunctis vitiis meis malis, mea culpa. Misereatur, ut in Romano. Indulgentiam & remissionem & absolutionem omnium peccatorum vestrorum, spatium vere ac fructus & penitentia per gratiam S. Spiritus tribuit nobis omnipotens & misericors Dominus. Sequuntur tres orationes, *Auster a nobis. Sancti Spiritus Domine corda nostra munda et iustitia. Exaudi quæsumus Domine supplicum preces. Item oratio, Deus qui de indignis dignos facis. Tum signat se & accedit ad altare.**

Missale Augustanum ab Othono Cardinali Episcopo ante annos centum editum initium Miss-

sæ sic exhibet. Sacerdos stans ante altare ait, *Sancti Spiritus adsit nobis gratia. Amen. Sequuntur versus, Et introibo ad altare Dei. Confitemini Domino quoniam bonus. Tum flexis genibus sic confitetur, „ Ego reus & conscientius omnium malorum meorum, Confiteor Deo Patri omnipotenti, & B. Mariae semper Virginis, & omnibus sanctis, & vobis in Christo, quod ego miser & indignus peccator peccavi nimis in vita mea, mala cogitatione, locutione, consensu, visu, ore, opere, & omissione, mea culpa, mea gravissima culpa. Ideo precor gloriosissimam Virginem Mariam, sanctos Apostolos Petrum & Paulum, atque Angelum, Udalricum, Sebastianum, Vitum, Anastasiam Mariam Magdalenam, Catharinam, Barbara, Afram cum sodalibus suis, istos & homines, & omnes sanctos Dei & patronos, & vos orare pro me peccatore. Amen. Absolutio. Misereatur vestri omnipotens Deus, & dimittis omnibus peccatis vestris perducat vos Dominus, noster Jesus Christus sine macula cum gaudio, in vitam aeternam. Amen. Oratio. Indulgentiam, remissionem, & absolutionem omnium peccatorum nostrorum, spatium vitae ac verae penitentiae, cor semper penitentis, & felicem consummationem per gratiam Spiritus Sancti. Paracliti tribuat nobis pius Pater & misericors Dominus. Amen. Versus. Exurge Domine adjuva nos. Domine Deus virtutum converte nos. Domine exaudi orationem meam. Domine minus vobiscum. Oratio. Exaudi quæsumus Domine supplicum preces.*

Ecclesia Lugdunensis sic peragit Confessionem. „ Et introibo ad altare Dei. Pone Domine custodium ori meo. Confitemini Domino quoniam bonus. Confiteor Deo omnipotenti. Misereatur vestri omnipotens Deus. Amen. Fratres per virtutem sanctæ crucis, & per intercessionem beatæ & gloriose semperque Virginis Mariæ, & per merita omnium Sanctorum Dei. Misereatur nostri omnipotens Deus, & dimittat nobis omnia peccata, & perducat nos Dominus, noster Jesus Christus cum suis sanctis ad vitam aeternam. Amen. Absolutionem & veram remissionem omnium peccatorum vestrorum per confessionem, contritionem, penitentiam, & per satisfactionem & emendationem vitae tribuat nobis omnipotens Pater, pius & misericors Dominus. Amen. Adjutorium nostrum in nomine Domini. Sit nomen Domini benedictum. Orationes. Conscientias nostras. Adsit nobis quæsumus Domine virtus Spiritus Sancti. Amen.

„Amen. Et gratia S. Spiritus illuminare digne-
„tur hodie sensus, corda, & corpora nostra.
„Amen. Pœnitentiam peto pro omnibus pec-
„catis & offensionibus meis. Pater noster. Et
„vobis fratres. Ave Maria. Oratio ante altare.
„Deus, qui non mortem, sed pœnitentiam desi-
„deras peccatorum, me miserum fragilemque
„peccatorem à tua non repellas pietate, neque
„aspicias ad peccata & scelera mea, & immun-
„das turpescere cogitationes, quibus flebiliter à
„tua disjungor voluntate; sed ad misericordias
„tuas, & fidem devotionemque eorum, qui per
„me peccatorem tuam expetunt misericordiam.
„Et quia me indignum medium inter te & popu-
„lum tuum fieri voluisti, fac me talem, ut dignè
„possim exorare misericordiam tuam pro me,
„& pro eodem populo tuo. Et adjunge voces
„nostras vocibus Angelorum tuorum, ut, sicut
„illi te laudant in excelsa beatitudine, ita nos
„quoque eorum interventu mereamur te laudare
„in hac peregrinatione. Per Dominum.

VII. In Missa, cui S. Gregorii nomen tributum est, edita Parisiis studio Joannis à S. Andrea cum interpretatione græca Georgii Codini, Sacerdos sic incipit, *Confitemini Domino quoniam bonus*; & respondet minister, *Quoniam in saeculum misericordia ejus*. Deinde Sacerdos dicit: *Confiteor Deo, B. Virginis Mariæ, & omnibus vobis fratribus, quia peccavi nimis verbo, opere, cogitatione, & omissione. Ideo precor vos ut oreis Deum pro me. Tum respondent qui adiungunt per ministram. Misericordia tui omnipotens Deus, & tribuat tibi remissionem peccatorum tuorum, & liberet te ab omni malo, salveque te & confirmet in omni opere bono, & perducat ad vitam æternam. Per Dominum nostrum. Deinde precatur Sacerdos: Absolutionem & remissionem omnium peccatorum nostrorum tribuat nobis omnipotens Dominus. Sequitur, Adjutorium nostrum, & oratio, Aufer à nobis.*

Missale Romanum Pauli III. auctoritate editum hanc brevissimam confessionis formulam habet. *Confiteor Deo omnipotenti, B. Maria semper Virgini, B. Petro, & omnibus Sanctis, & vobis fratribus, quia peccavi, mea culpa: precor vos orare pro me. Verumtamen in multis M. SS. ante annum 1300 eadem prorsus legitur, quæ nunc in Missali Pii V. statuta est. In veteri ritu Mozarabum nulla erat confessio, sed eam addidit Cardinalis Ximenes: vicem autem confessionis supplebant aliae orationes, quæ Libro I. Cap. II. in illius Missæ descriptione legi possunt. In ordine Romano & aliis vetustissimi ritualibus multæ sunt for-*

*mulae confessionis generalis admodum prolixæ, & multa peccata continentæ, quæ vix queant in uno homine reperiri. Hæ vero à publicè pœnitentibus in Ecclesia fieri solebant, & non pertinent ad nostrum institutum. In ipsa autem generali confessione peccata tundimus latentes in conscientia culpas cùm tunisonie accusantes & castigantes, cuius ritus mentionem faciunt antiqui Patres. Gregorius Nazianzenus orat. 15. *Timpłum cum ciliis ingrediamur, ac diu noctuque inter gradus & altare peccata tundamus. Augustinus ferm. 8. de verbis Domini. „Sequutus est sonus tunsonis peccoris vestri, auditio scilicet quod Dominus ait, Confiteor tibi Pater. Tun-dere autem peccatum, quid est, nisi arguere, quod latet in pectore, & evidenti pulsū occul-tum castigare peccatum? Confiteor audistis, qui confitetur non attendistis. Adeo videlicet assueti erant fideles tunsoni peccoris, cum peccata confitebantur, ut auditio hoc verbo Confiteor, statim peccatum manu pulsarent. Idem Augustinus in Psal. 146. „Quid aliud significat peccatum tunsoni? Nisi forte putamus offa nostra aliquid peccasse cum tundimus peccatum. Sed significamus nos cor conterere, ut à Domino dirigatur. Sic Publicanus apud Lucam percutiebat peccatum suum dicens, Deus propitiatus esto mihi peccatori. Et qui morti Christi Domini praesentes fuerant videntes prodigia quæ facta sunt, revertebantur percutientes peccata sua. Hoc autem ductu naturæ fit, quia de corde exeunt cogitationes mala & omnia peccata, & percutientes peccatum culpas nostras agnoscimus & fatemur.**

VIII. Confessio subduntur aliquot versiculi ex Psalmis, qui in diversis Ecclesiis diversi sunt: tum sequitur oratio, *Aufer à nobis*, quæ extat in vetustissimis Missalibus & in Ordine Romano in officio dedicationis Ecclesiae post Litanias, ejusque meminit Micrologus cap. 23. sed apud illum præcedit confessionem. Est etiam in Missali Mozarabico sic concepta: „Aufer à nobis quesumus Domine cunctas iniquitates nostras, & spiritum superbiæ & elationis cui resistis, & reple nos spiritu timoris, & da nobis cor contritum & humiliatum quod non spernis, ut ad sancta sanctorum puris mereamur mentibus introire. Eodem sensu Maronitæ initio Missæ sic orant: „Fac nos Domine Deus lotis jam cordibus nostris & emundatis ab omni conscientia mala & cogitationibus sordidis dignos introire ad sancta sanctorum tui alta & excelsa, & splen-dida ac puræ stare ante altare tuum sanctum, &

„ministrare tibi victimas spirituales & excelsas „in fide & veritate. Denique Sacerdos ascen- dens ad altare ipsum in medio osculatur dicens hanc orationem : *Oramus te Domine per merita sanctorum tuorum, quorum Reliquiae hic sunt, & omnium sanctorum, ut indulgere digneris omnia peccata mea.* Idē autem Sanctos commemorat, quo- rum Reliquiae ibi sunt, quia sine illis altare non consecratur, ut supra ostendimus, cum de Tem- plis ageremus. Nota vero Orthodoxæ fidei apud veteres erat Sanctorum memoris communicare ; & illic offerre sacrificium, ubi illorum corpora affervantur. Testis est Optatus Milevitanus lib. 2. arguens Macrobium Donatistam, quod memo- ris Sanctorum non communicaret tamquam Schismaticus. Ibi, inquit, id est Romæ, sunt duorum memoriae Apostolorum. Dicite si ad has in- gredi potius, ita ut obtulerit illie, ubi Sanctorum memorias esse constat. Testis Hilarius lib. adversus Constantium, Audi heretice, ait, damnationis publicum sensum & intellige te divinae religionis hostem, & inimicum memoris Sanctorum. Quamvis enim communicatio cum Sanctis per fidem, spem, & charitatem præcipue intelligatur ; semper ta- men Christiani Martyrum sepulchra venerati sunt, & super illa altaria exererunt, eorumque Reliquias habere optaverunt, ut cum iis etiam mortuis, quantum fieri potest, communicarent.

CAPUT III.

De Introitu & ejus institutione. Antiphona quid sit. Hymnum Gloria Patri Apostolica traditionis esse. Omnes introitus ex Psalmis, paucis exceptis. Tropi aliquando iis additi. Quædam illorum exempla. De ve- teri versione Psalmorum, que Italica dici- tur, ejusque usu in Missa. Eam adhuc vi- gere apud nonnullos in divinis officiis. Gra- corum duplex Introitus.

I. **D**um Sacerdos ad altare procedit, chorus psallit antiphonam, quæ ritu Romano In- troitus, Ambrosiana Ingressa dicitur ; quia ni- mirdum rite canticatur, cum Sacerdos intrat ad alta- re. Ejus institutio ab his qui Ecclesiasticos ritus explanant, Cœlestino Papæ unanimi ferè conser- fu tribui solet. Auctor enim libri Pontificalis in ejus vita sic scribit. *Hic constituit ut CL. Psalmi David ante sacrificium psallerentur antiphonatim, quod ante non fiebat, nisi sanctum recitabantur epistolæ Pauli & S. Evangelium & sic Missa si-*

bant. Quomodo autem hæc Psalmorum modu- latio intelligenda sit, an de aliquibus tantum ver- siculis, & de quibus, an de aliquo integro psal- mo diverso pro diversitate officiorum, an de an- tiphona ex psalmis excerpta, obscurum est. Amalarius lib. 3. c. 5. postquam dixit additum Mis- sae hoc officium à Cœlestino, ait : *Quod nos ita intelligebamus, ut ex psalmis excerpteret antiphonæ, quæ psallerentur in officio Missæ. Nam antea incubabatur Missa à lectio : qui mos adhuc reti- netur in vigiliis Paschæ & Pentecostes.* Con- sentit Valfridus Strabo cap. 22. dicens : *Anti- phonas ad Introitum dicere Cœlestinus Papa ins- tituit, scilicet legitur in gestis Pontificum Romano- rum, cum ad eum usque tempora lectio una Apo- stoli tantum & Evangelium legerentur.* Subscri- bunt Micrologus & Berno Abbas, uterque cap. 1. At Honorius in Gemma animæ libro 1. Cœlestinus, inquit, *Psalmos ad introitum Missæ can- tari instituit, de quibus Gregorius Papa postea anti- phonas ad Introitum Missæ modulando compositus.* Ego autem Honorio, tametsi recentior sit, liben- cius adhæreo, quam Amalario. Priscus enim au- tor, qui gesta Pontificum scriptit, ait, *Cœlestinus constituisse, ut psalmi antiphonatim cantarentur.* Quid est autem canere antiphonatim, nisi alternis choris ? quem modum loquendi licet recenseat Vossius inter vitia sermonis lib. 4. c. 31. non audet tamen de hac voce ut barbara contendere, cum in re nova novam fingere licuerit. *Antiphona teste Isidorol. 6. c. 19. Originum, ex græco interpreta- tur vox reciproca, duabus scilicet choris alternatim psallentibus.* Statuit igitur Cœlestinus psalmos al- ternatim cantari ante Missam, sed postea Grego- riarius Magnus unam ex illis antiphonam selegit pro Introitu, & alias pro Responsorio, offertorio, & communione, quas in unum congeffit, & ex his librum composuit, quem Antiphonarium nuncupavit. Alii Gradualem vocant, quia nonnullæ ex illis, quæ post epistolam dicuntur, in loco eminentiori cantari solebant, ad quem Cantores per gradus ascendebant. Cum autem Introitus & reliqua omnia revera antiphonæ sint, in codice tamen Gregoriano solus Introitus antiphonæ no- men peculiariter fortius est ; post quem olim integer psalmus cani consueverat. Testatur Augustinus, qui eodem quo Cœlestinus tem- pore vixit, lib. 2. *Retractat. c. 11.* cœpisse tunc apud Carthaginem hunc morem, ut hymni ad altare de Psalmorum libro dicerentur, five ante oblationem, five cum distribueretur populo quod fuisset oblatum : quod cum Hilarius